

LAWATAN PELATIH PLKN MERANG SURIA KE PANGKALAN UDARA GONG KEDAK

airforce.mil.my/berita/berita-dari-pangkalan/3059-lawatan-pelatih-plkn-merang-suria-ke-pangkalan-udara-gong-kedak

GONG KEDAK, 15 Feb 18 - Lawatan Pelatih PLKN Merang Suria, Setiu Terengganu siri 1/18 yang terdiri daripada 32 Jurulatih dan 270 Pelatih telah membuat lawatan ke Pangkalan Udara Gong Kedak. Komander PLKN Merang Suria, YBhg Lt Kol Samsul Bahari bin Mohd Hashim TUDM dan Jurulatih serta Pelatih PLKN telah disambut oleh Wakil Komander Pangkalan, Mej Mohd Azrul bin Hussin TUDM.

Dalam lawatan tersebut, taklimat ringkas telah diadakan di Dewan Serbaguna Pangkalan yang disampaikan oleh Kapt Ungku Mohamad Nizam bin Ungku Abd Rahman TUDM.

Selain itu juga, Pelatih turut dibawa melihat ke Mini Muzium PUGK bagi mengetahui bahan-bahan sejarah Pangkalan dan Tentera Udara Diraja Malaysia, serta pameran Aerospace Technology System Corporation (ATSC) dan HiTech Padu. Muzium ini juga mempamerkan Pesawat pemintas F-5E.

Turut diadakan, demontrasi memadamkan kebakaran dan pencegahan kebakaran daripada anggota Bomba Pangkalan. Pelatih kemudiannya dibawa ke No 11 Skwadron untuk melihat Pesawat Sukhoi SU-30MKM.

Lawatan ini bertujuan untuk menambahkan ilmu pengetahuan kepada pelatih mengenai institusi pertahanan Negara, mempertingkatkan semangat patriotism dalam diri serta cintakan Negara. Selain itu juga untuk memberi pendedahan kepada pelatih tentang kerjaya TUDM serta kecanggihan aset-aset TUDM dalam Angkatan Tentera Malaysia.



